




**A' CUMADH AR  
SEIRBHEIS SAN ÀM RI  
TEACHD: TOG DO GHUTH**

# CLÀR-INNSE

1. Facal-tòiseachaidh	1
2. Na tha sinn a' dèanamh	2
3. Carson a dh'fheumas sinn atharrachadh	4
4. A' tasgadh ann an atharrachadh	12
5. Dè na h-atharrachaidhean a dh'fhaodamaid dèanamh?	14
6. Geàrr-chunntas agus na h-ath cheumannan	19
7. Ceisteachan	21



**Tha 200 bliadhna ann bho chaidh a' chiad sheirbheis smàlaidh baile riamh a stèidheachadh ann an Alba.**



# 1 RO-RÀDH

## Tha eachdraidh phròiseil againn a bhith a' frithealadh ar coimhearsnachdan agus bha sinn a-riamh ag obair gu cruaidh gus daoine a chumail sàbhailte.

Tha ròl an smàladair air atharrachadh is air fàs thar ùine agus tha sinn airson togail air an t-soirbheachas seo gus am bi sinn nar seirbheis smàlaidh is teasairginn ùr-nodha a tha deiseil airson dùbhlain na h-Alba san àm ri teachd.

Mar a mhinich sinn san Lèirsinn Fhad-ùine againn, tha sinn airson barrachd a dhèanamh airson ar coimhearsnachdan – chan ann a-mhàin le bhith a' dèiligeadh ri cùisean èiginn ach le bhith a' cur bacadh orra bho bhith a' tachairt sa chiad dol a-mach.

Tha na seòrsaichean tachartais a bhios sinn a' frithealadh ag atharrachadh agus tha feum aig diofar sgìrean de dh'Alba air diofar sheirbheisean bhuainn. Tha seo a' ciallachadh gum feum sinn an dòigh obrach againn atharrachadh.

Mar eisimpleir, tha sinn a' faicinn nas lugha de theintean taighe ach barrachd thachartasan

co-cheangailte ri tuiltean is teintean mòra air a' bhlàr a-muigh – gu tric ann an sgìrean far nach eil stèiseanan smàlaidh maireannach.

Tha cuid de na stèiseanan againn stèidhichte ann an sgìrean far an deach an cur gus dèiligeadh ri cunnartan eachdraidheil nach eil ann tuilleadh – mar eisimpleir gnìomhachasan troma leithid gàrraidhean-shoithichean no mèinnean guail. Chan eil cuid de na stèiseanan againn iomchaidh tuilleadh agus tha feum aca air tasgadh mòr gus an dèanamh nas sàbhailte agus nas fhreagarraiche dhan luchd-obrach againn.

Gus dèanamh cinnteach gu bheil na goireasan ceart againn san àite cheart aig an àm cheart feumaidh sinn atharrachadh. Tha sinn den bheachd nach eil an status quo seasmhach tuilleadh.

## Sin as adhbhar gu bheil sinn a' dèanamh Prògram Ath-sgrùdaidh Seirbheis Ro-innleachdail (SSRP) gus coimhead air mar a libhrigeas sinn ar seirbheisean gus am bi sinn nar seirbheis ùr-nodha a bheir seachad na seirbheisean tha a dhìth air Alba.

Tha diofar dhòighean ann gus seo a dhèanamh agus tha sinn air cuid de na raointean a dh'fhaodamaid atharrachadh a mhìneachadh anns an leabhran seo.

Tha sinn feumach air do chuideachadh gus dèanamh cinnteach gun dèan sinn seo gu ceart airson nan coimhearsnachdan a tha sinn a' frithealadh.

Is e seo a' chiad phàirt den obair conaltraidh againn le luchd-obrach, coimhearsnachdan, aonaidhean ciùird, com-pàirtichean, riochdairean taghte agus daoine air feadh na h-Alba. Bidh sinn a' cumail thachartasan agus a' bruidhinn ri coimhearsnachdan thairis air an dà mhios a tha romhainn gus faighinn a-mach na tha a tha dhìth ort agus na tha thu ag iarraidh bhon t-seirbheis smàlaidh is teasairginn agad.

Faodaidh tu cuideachd an suirbhìdh air-loidhne againn a lionadh no an ceisteachan againn a chur air ais air [taobh-duilleig 21](#).

Cuidichidh na beachdan a chruinnicheas sinn sinn gus roghainnean atharrachaidh a chruthachadh airson a dhol a-mach gu làn cho-chomhairleachadh poblach nas fhaide air adhart am-bliadhna.



2

# NA THA SINN A' DÈANAMH



Is urrainn dhuinn ar smàladairean a chur gu tachartas sam bith air feadh na h-Alba uair sam bith.

Tha innealan agus goireasan spèisealta againn a tha gan cleachdadh air feadh na h-Alba. Tha criutha nan innealan sin nan smàladairean bho stèiseanan smàlaidh coimhearsnachd ionadail, ach tha sgilean agus uidheamachd sònraichte aca agus taic a thoirt seachad ann an cùisean èiginn iom-fhillte air feadh na dùthcha gu lèir.

Bidh sinn a' freagairt air gach cùis èiginn agus cuiridh sinn na h-innealan iomchaidh as fhaighe a tha rim faighinn dhan tachartas a rèir an àite agus an seòrsa tachartas.

dhaoine gus an dachaighean agus an coimhearsnachdan a dhèanamh nas sàbhailte.

Ach bidh sinn a' cumail daoine sàbhailte fada mus tèid gairm 999 a chur agus is e ar n-obair a th' ann a bhith a' cur bacadh air suidheachadh èiginn no air cron bho bhith a' tachairt sa chiad dol a-mach.

Bidh sinn cuideachd a' riaghladh gnìomhachasan agus àiteachan-obrach gus dèanamh cinnteach gu bheil na h-àiteachan air am bi sinn a' tadhal no ag obair sàbhailte bho theintean.

Tha eachdraidh dhearbhte againn de bhith a' libhrigeadh gnìomhachd casg èifeachdach thar raon farsaing de chuspairean. Tha seo a' ciallachadh a bhith a' cuideachadh

Tha sinn a' cumail taic ri coimhearsnachdan uile na h-Alba, bho bhith ag oideachadh chloinne agus dhaoine òga, gu bhith a' toirt taic do dh'ìnbhich agus do sheann daoine a bhith a' tighinn beò gu sàbhailte agus gu neo-eisimeileach.



Mar sheirbheis, tha sinn ann airson Alba a dhèanamh nas sàbhailte. Ní sinn seo le bhith:



A' freagairt  
ghairmean teine



A' brosnachadh  
sàbhailteachd  
teine



A' cur laghan a  
thaobh teintean  
an gnìomh



A' freagairt air  
tubaistean rathaid



A' freagairt air  
dhroch thachartasan  
còmhdhail



A' freagairt air  
droch thuiltean



Teasairginn  
air uisgeachan  
a-staigh dhan tìr



A' dèiligeadh  
ri tuiteam  
structarail ann an  
togalaichean



A' dèiligeadh  
ri tachartasan  
ceimigeach, bith-  
eòlasach agus  
niùclasach




Obair teasairginn  
aig àirde




3

# CARSON A DH'FHEUMAS SINN ATHARRACHADH



Tha Alba ag atharrachadh agus tha seo a' ciallachadh gu bheil sinn a' dèiligeadh ri diofar sheòrsaichean de thachartasan.



Tha sinn airson dèanamh cinnteach gu bheil coimhearsnachdan ath-leumach agus sàbhailte bho thachartasan fìor dhroch shìde, leithid tuitlean agus teintean air a' bhlàr a-muigh.

Tha na coimhearsnachdan againn ag atharrachadh cuideachd le barrachd dhaoine a' fuireach sna dachaighean aca nas fhaide. Tha cuid a dhaoine so-leònte agus feumach air taic a bharrachd agus mar sin feumaidh sinn atharrachadh gus na feumalachdan sin a choileanadh.

Tha fios againn gum b' urrainn dhuinn barrachd a dhèanamh gus Alba a chumail sàbhailte. Tha sinn airson fòcas a chur air casg gus an urrainn dhuinn an ìre iarrtais oirne agus air seirbheisean poblach eile a lùghdachadh.

Tha seo a' ciallachadh gum feum sinn beachdachadh air mar as urrainn dhuinn ar n-obair casg a leasachadh tro bhith a' cleachdadh ar daoine, teicneòlas agus eadar-theachdan sàbhailteachd, a' dèanamh choimhearsnachdan, dachaighean agus gnìomhachasan nas sàbhailte agus nas seasmhaiche.

Tha sinn cuideachd gu mòr airson ar lorg carboin a lùghdachadh a tha a' ciallachadh a bhith a' tasgadh ann an togalaichean agus carbadan a tha nas lùth-èifeachdaiche.



## 3.1 Na bhios sinn a' freagairt air

Tha a' mhòr-chuid de na tachartasan a bhios sinn a' frithealadh fhathast nan teintean. Ach tha an àireamh de theintean air a dhol sìos thar ùine. Tha seo a' gabhail a-steach teintean taighe agus teintean togalaich eile.


Ged a tha àireamh nan teintean air a dhol sìos san fharsaingeachd, tha an àireamh de thachartasan

eile air am bi sinn a' frithealadh air a dhol suas.

Chaidh tachartasan nach robh nan teintean suas bho 11% ann an 2013-14 gu 17% an-uiridh mar àireamh sa cheud de na tachartasan iomlan a fhrithheil sinn. Tha sinn an dùil gun lean an àrdachadh seo.

Aig an aon àm, tha sinn air lùghdachadh leantainneach fhaicinn ann am bàsan agus leòntan co-cheangailte ri teine.

### 2022/23 STAITISTIG



\* Chan eil staitistig air an cumail airson tachartasan den t-seòrsa seo airson 2003/04



## Teintean mòra air a' bhlàr a-muigh

**Tha teintean air a' bhlàr a-muigh ann an Alba a' fàs nas motha, agus mairidh iad nas fhaide. Aig a' cheann thall, bidh feum air freagairt nas susbaintiche ri seo.**

Bho 2010 chaidh ochd teintean mòra sa bhlàr a-muigh a chlàradh a mhair còrr is còig latha. Tha na h-ochd tachartasan sin uile air a bhith ann bho 2018. Aig an aon àm, bha 15 teintean air a' bhlàr a-muigh a mhair fad eadar dà is còig latha. Nuair a bhios tachartasan cho fada seo ann, tha feum air na ceudan de luchd-obrach agus air tòrr ghoireasan. Mar as trice, is e ar luchd-obrach air ghairm ann an coimhearsnachdan dùthchail as motha a bhios ann.

Tha fios againn gu bheil teintean mòra air a' bhlàr a-muigh a' fàs nas motha ann an sgèile, a' losgadh airson ùine nas fhaide agus gu bheil iad feumach air freagairt èiginneach nas motha. Tha seo a' dèanamh cron air an àrainneachd agus a' cur bacadh mòr air coimhearsnachdan ionadail.

Mar thoradh air buaidh atharrachadh na gnàth-shìde, tha geamhraidhean a' fàs nas ciùine, nas fliche agus tha samhraidhean a' fàs nas tiorama agus nas blàithe. Tha leudachadh ann an seusan fàs na fàsmhorachd agus atharrachaidhean ann an cleachdaidhean stiùireadh fearainn ann an Alba a' cruthachadh barrachd connaidh airson teintean air a' bhlàr a-muigh, agus mar sin tha sinn an dùil gun lean agus gum meudaich an gluasad seo.

**Tha teintean mòra air a' bhlàr a-muigh air am mìneachadh mar theintean air a' bhlàr a-muigh far a bheil barrachd air 1,000 meatairean ceàrnagach de thalamh loisgte.**



# 2,500

teintean mòra air a' bhlàr a-muigh bho 2010

cuibheas de 178 gach bliadhna





## Tuiltean

Tha àireamh nan tuiltean air a dhol suas mean air mhean thar nan deich bliadhna a dh'fhalbh agus mar a thathar an dùil gum fàs buaidh atharrachadh na gnàth-shìde, tha sinn an dùil gun lean an gluasad seo.



Tha còrr is 280,000 dachaigh is togalach ann an **CUNNART BHO THUILTEAN** ann an Alba; le 110,000 togalach a bharrachd ann an cunnart ro 2080.\*

Ann an 2023, chunnaic sinn buaidh Stoirm Babet, anns an do chaill daoine am beatha agus thug tuiltean fìor dhroch bhuaidh air coimhearsnachdan san ear-thuath.

Tha an seòrsa tachartas mòr seo a' cur gu mòr ris an ìre iarrtais air an t-seirbheis againn, sgiobaidhean ionadail agus sgiobaidhean nàiseanta sònraichte, agus feumar na ceudan de luchd-obrach bho air feadh na h-Alba a chur gu na sgìrean air a bheil seo a' toirt buaidh.

Feumaidh sinn dèanamh cinnteach gu bheil an t-ath-leumachd agus an uidheamachd cheart againn an sàs gus freagairt èifeachdach a thoirt air suidheachaidhean mar seo.

\* Buidheann Dion Àrainneachd na h-Alba (SEPA): [www.sepa.org.uk/data-visualisation/nfra2018/](http://www.sepa.org.uk/data-visualisation/nfra2018/)



Chaidh sinn gu  
**15,000**  
tuiltean bho 2013-14



## 3.2 A' dèanamh cinnteach gu bheil goireasan a rèir nan ìrean cunnairt

Tha sinn air bliadhnaichean a chur seachad a' togail ar n-eòlais mu atharrachaidhean ann an cunnartan coimhearsnachd air feadh na h-Alba tro bhith a' cruthachadh ar Modail Clàr-chunnart Coimhearsnachd (CRIM).

Bidh am modail seo a' gabhail a-steach dàta mu thachartasan eachdraidheil agus a' glacadh fiosrachadh mu na daoine a bhios sinn a' frithealadh, a' gabhail a-steach far a bheil iad suidhichte, na seòrsaichean thogalaichean agus àrainneachdan anns a bheil iad agus an dòigh sa dh'fhaodadh nàdar buaidh a thoirt orra.

Tha seo gar cuideachadh le bhith a' comharrachadh far am bu chòir na stèiseanan agus na h-innealan againn a bhith stèidhichte gus aghaidh a chur air na cunnartan làithreach agus gus coimhearsnachdan a chumail sàbhailte.

Tha am modaladh a rinn sinn air sealltainn nach eil cuid de stèiseanan agus innealan anns na h-àiteachan ceart gus dèiligeadh ri cunnart agus iarrtas.

Cuidichidh ar n-eòlas air cunnart le bhith a' sealltainn dhuinn far am feum sinn stèiseanan a shuidheachadh, dè am modail a bhios ann airson criutha ar n-innealan agus mar a bhios sinn ag obair a-mach às na stèiseanan againn.





## 3.3 Ar daoine

**Tha soirbheachas SFRS mar thoradh air an luchd-obrach againn. Tha ar smàladairean, luchd-obrach obrachaidh, oifigearan gnìomhachaidh teine, sgiobaidhean gnìomh coimhearsnachd agus luchd-obrach taic uile gu mòr airson Alba a chumail sàbhailte.**

Tha sinn airson 's gum faigh ar luchd-obrach air fad trèanadh den chàileachd as àirde a bheir dhaibh na sgilean, an t-eòlas agus na luachan a tha am poball a' sùileachadh.

Airson luchd-obrach obrachaidh tha sinn airson tasgadh a dhèanamh ann am barrachd làraichean-trèanaidh agus ann am barrachd oidean air feadh na h-Alba gus ar luchd-obrach ullachadh nas fheàrr airson dèiligeadh ri cunnartan is dùbhlain an latha an-diugh.

Feumaidh sinn cuideachd a bhith ag obair nas cruaidhe gus dèanamh cinnteach gum bi SFRS a' riochdachadh nan coimhearsnachdan a bhios sinn a' frithealadh.

Tha iomadachd cudromach ann a bhith a' cruthachadh àite-obrach far am bi a h-uile duine

a' faireachdainn gu bheil fàilte orra agus gu bheil iad air an gabhail a-steach. Thathar air dearbhadh gu bheil luchd-obrach eadar-mheasgte a' toirt piseach air co-dhùnidhean agus coileanadh.

Tha sinn dealasach a thaobh iomadachd a leasachadh agus an ceannardas agus an cultar a thogail gus dèanamh cinnteach gu bheil SFRS na dheagh àite obrach airson a h-uile duine.

Feumaidh sinn cuideachd barrachd a dhèanamh gus taic a thoirt dhan luchd-smàlaidh air ghairm againn. Bidh luchd-smàlaidh air ghairm a' freagairt air cùisean èiginn tro phèidsear ach gu tric bidh obraichean eile aca. Tha dùbhlain mhòra mun choinneamh an t-siostam air ghairm againn agus leis mar a tha na coimhearsnachdan againn ag atharrachadh ag atharrachadh, chan urrainn dhuinn gu leòr fhastadh airson criutha nan uidheaman ann an sgìrean iomallach agus dùthchail.

Ged nach ann an Alba a-mhàin a tha na dùbhlain seo, tha sinn gu math feumach air na smàladairean air ghairm againn mar thoradh air a' chruth-tìre againn. Feumaidh am modail seo a bhith seasmach gus an urrainn do choimhearsnachdan a bhith ath-leumach. Gus seo a dhèanamh feumaidh sinn beachdachadh air dè an fhreagairt agus – nas cudromaiche – dè na gnìomhan casg a dh'fhaodadh seirbheis nas fheàrr a thoirt do na coimhearsnachdan sin.





Feumaidh sinn

£60m

gach bliadhna gus na togalaichean agus an uidheamachd againn a thoirt chun na h-ìre a tha a dhìth.

## 3.4 Cor na h-oighreachd againn

Tha mòran de na togalaichean againn a' fàs nas sìne agus chan eil iad iomchaidh tuilleadh agus feumar ceuman èiginneach a ghabhail. Bidh feum air tasgadh mòr gus an dèanamh nas sàbhailte agus nas freagarraiche agus feumaidh sinn dòigh a lorg gus an suidheachadh seo a chur ceart. Chan e roghainn a th' ann gun a bhith ag atharrachadh dad.

Ann an 2018 thuirt Sgrùdadh Alba gun robh e "do-dhèanta" a' bheàrn ann an caitheamh calpa a tha mur ar coinneamh a lìonadh. Tha sin a' ciallachadh nach bi e comasach dhuinn na togalaichean agus na carbadan againn ùrachadh gu bràth gun tasgadh a bharrachd no atharrachadh air mar a bhios sinn ag obair.

Tha ar maoinachadh calpa air fuireach aig £32.5 millean airson nan seachd bliadhna mu dheireadh. Tha sinn air £10 millean a bharrachd fhaighinn airson 24/25 ach aig a' char as lugha feumaidh sinn co-dhiù £60millean gach bliadhna gus na togalaichean agus an uidheamachd againn a thoirt chun na h-ìre a tha a dhìth. Tha sinn cuideachd a' cosg barrachd airgid air obair càraidh leis gu bheil staid agus freagarrachd ar n-oighreachd a' sìor dhol sìos.

Tha 14 stèiseanan smàlaidh againn cuideachd anns a bheil pannalan concait RAAC.

Chaidh seo a chomharrachadh ann an 2019 agus ghabh sinn ceumannan gus ar luchd-obrach agus ar gnìomhachd a dhìon, ach cha b' urrainn dhuinn na stèiseanan a chàradh no stèiseanan ùra a chur nan àite agus tha feum air fuasgladh maireannach.





## 3.5 Cunnart truailidh do smàladairean

Tha fianais a' sìor fhàs mu na cunnartan slàinte do na smàladairean againn co-cheangailte ri bhith fo chunnart bho fharsaingeachd de stuthan truailidh.

Tha ìre bàsmhorachd smàladairean bho gach seòrsa aillse 1.6 uair nas àirde na ìre a' mhòr-shluagh, agus tha smàladairean a' fulang bho aillse aig ìrean nas àirde agus aig aois nas òige.\*

Tha sàbhailteachd ar luchd-obrach air leth cudromach, agus tha sinn a' leantainn oirnn ag obair le Aonadh nan Smàladairean (FBU) agus buidhnean riochdachaidh eile gus cunnart truailleadh dhan luchd-smàlaidh againn a lùghdachadh.

Tha sinn air ath-sgrùdadh susbainteach a dhèanamh air mar a tha ar n-innealan, luchd-obrach agus uidheamachd dìon pearsanta (PPE) air an dì-thruailleadh rè agus às dèidh tachartas. Tha fios againn nach eil ullachaidhean dì-thruailidh iomchaidh aig cuid de na togalaichean againn agus, ann an cuid de thoglaichean, tha goireasan sochair cuibhrichte.

Gus an cunnart seo a lùghdachadh, chaidh suathagan (wipes) dì-thruailidh sònraichte a thoirt do gach inneal-smàlaidh agus ionad trànaidh; chaidh deuchainn a dhèanamh air siostam sònaichean stèisein gus casg a chur air sgaoileadh truailleadh; agus tha na deuchainnean meidigeach againn a-nis a' gabhail a-steach ceistean leasaichte mu sgrìonaidh aillse.

Ach tha fios againn gu bheil barrachd ann a dh'fheumas sinn dèanamh. Tha feum air barrachd tasgaidh, gu sònraichte a thaobh a bhith a' cruthachadh ghoireasan dì-thruailidh ceart anns na stèiseanan againn.

\* *Scottish Firefighters Occupational Cancer and Disease Mortality Rates: 2000-2020:*  
[academic.oup.com/occmed/article/73/1/42/6964909?login=false](https://academic.oup.com/occmed/article/73/1/42/6964909?login=false)

4

## A' TASGADH ANN AN ATHARRACHADH



**Tha sinn ag aithneachadh gu bheil feum againn air ath-nuadhachadh mar sheirbheis agus gum feumar aghaidh a chur air ceistean a thaobh tasgadh san oighreachd againn.**

Ach tha seo a' tighinn aig àm nuair a tha dhùbhlain eaconamach is ionmhais mu choinneimh na roinne poblaich gu lèir ann an Alba. Tha seo a' toirt buaidh air SRFS cuideachd. Tha cuideam an dà chuid air na buidseatan ghoireasan agus calpa againn agus mar sin feumaidh sinn dòighean a lorg gus ar goireasan a chleachdadh nas fheàrr.



## 4.1 A' cothromachadh a' bhuidseit againn

**Tha ar buidseat air a shuidheachadh gach bliadhna le Riaghaltas na h-Alba agus tha dleastanas laghail oirnn buidseat cothromach a libhrigeadh.**

Ann an Lèirmheas Caiteachais Ghoireasan aig Riaghaltas na h-Alba a chaidh fhoillseachadh sa Chèitean 2022 chaidh a ro-innse gum fuirich am buidseat againn mar a bha e airson nan trì bliadhna ri teachd.

Ann an 2023, dh'aontaich Bòrd SFRS plana sàbhalaidd tòiseachail thar na buidhne air fad.

Bha seo a' gabhail a-steach a bhith a' toirt air falbh 10 dàrna no treas innealan-smàlaidh teine làn-ùine gu sealach fad 12 mìosan an tòiseach. Fhuair an co-dhùnadh seo taic bho dhàta agus modaileadh bhon CRIM againn a chomharraich dè na h-inneanan a bheireadh a bhuaidh as lugha air amannan freagairt èiginn nan rachadh an toirt à seirbheis.

Ach feumaidh sinn atharrachaidhean maireannach a dhèanamh gus gluasad air adhart.

Anns an Dùbhlachd 2023, thug Riaghaltas na h-Alba àrdachadh de £13.6m air a' bhuidseit againn airson 2024-25, bhon riarachadh buidseit againn aig toiseach 23/24 agus thug iad àrdachadh de £10.3m air an tasgadh calpa againn.

Feumaidh sinn planadh seachad air 2025 agus dèanamh cinnteach gu bheil sinn nar buidheann sheasmhach a tha comasach air leasachadh leantainneach agus tasgadh a dhèanamh anns na seirbheisean a tha sinn a' toirt seachad. Sin as adhbhar gu bheil sinn ag iarraidh do bheachdan.

Bheir an t-àrdachadh buidseit seo cothrom dhuinn coimhead air mar as fheàrr a chleachdas sinn ar luchd-obrach, uidheamachd, oighreachd agus carbadan thar nam bliadhnaichean ri teachd gus dèanamh cinnteach gun leasaich sinn sna bliadhnaichean ri teachd.



# DÈ NA H-ATHARRACHAIDHEAN A DH'FHAODAMAID DÈANAMH?



Seo cuid de na raointean a far a bheil sinn den beachd gum b' urrainn dhuinn na goireasan againn a chleachdadh ann an dòigh eadar-dhealaichte agus tasgadh a dhèanamh ann an leasachadh ar seirbheisean.



## 5.1 A' leasachadh dreuchd an smàladair

**Tha sinn gu mòr airson obrachadh ann an com-pàirteachas le ar luchd-obrach agus aonaidhean ciùird gus àite an smàladair ann an Alba a leasachadh gus gnìomhan casg agus freagairt èiginn nas fharsainge a ghabhail os làimh.**

Gus seo a choileanadh, dh'fheumadh sinn cùmhnaidh obrach ùr agus ròl smàladairean aontachadh leis na buidhnean riochdachaidh aca. Tha 'aonta ann am prionnsabal' againn le Aonadh nam Feachdan Smàlaidh (FBU) ach dh'fheumadh seo maoinachadh a bharrachd gus a làn bhuileachadh.

Dh'fheumamaid cuideachd barrachd a thasgadh ann an trèanadh agus uidheamachd gus taic a thoirt dhan luchd-smàlaidh againn gus dleastanasan ùra sam bith a ghabhail os làimh.

Tha sinn den bheachd gum b' urrainn a bhith a bhith a' cur ri farsaingeachd dreuchd nan smàladairean taic a bharrachd a thoirt seachad gus coinneachadh ri feumalachdan choimhearsnachdan ionadail. Mar eisimpleir, b' urrainn dhuinn freagairt meidigeach èiginneach a thoirt seachad gus taic a thoirt dhan fheadhainn as so-leònte nar coimhearsnachdan. Dh'fhaodadh

buannachdan mòra a bhith ann do mhuintir na h-Alba bho bhith ag obair nas dlùithe le ar com-pàirtichean sna seirbheisean poblach.

A' togail air ar soirbheachas ann a bhith a' libhrigeadh gnìomhan agus eadar-theachdan dìon, tha sinn den bheachd gum faodadh sinn a dhol nas fhaide na ròl traidiseanta na seirbheis smàlaidh agus gum b' urrainn dha ar n-obair com-pàirteachais a neartachadh tuilleadh. Dh'fhaodadh seo piseach a thoirt air builean coimhearsnachd, iarrtas air seirbheisean nan com-pàirtichean againn a lùghdachadh agus aig a' cheann thall lùghdachadh a thoirt air cunnart dhan fheadhainn as so-leònte ann an coimhearsnachdan na h-Alba.

Tha sinn cuideachd airson a bhith air thòiseach air càch ann a bhith ag ath-leasachadh libhrigeadh nan seirbheisean poblach againn. Mar eisimpleir de seo, b' urrainn dhuinn togail air an dòigh-obrach a th' againn an-dràsta a thaobh a bhith a' co-roinn thogalaichean le ar com-pàirtichean. Tha a' toirt dhuinn modail libhrigidh nas amalaichte a lùghdaicheas an fheum air togalaichean fa leth agus aig an aon àm a tha a' toirt seachad nan seirbheisean a dh'fheumas coimhearsnachdan agus a tha a' libhrigeadh nan goireasan air a bheil luchd-obrach airidh.





£1m

gach bliadhna  
airson aon inneal-  
smàlaidh làn-ùine  
le criutha 24/7

## 5.2 Ag atharrachadh far a bheil na stèiseanan agus na h-innealan againn stèidhichte

Chan eil suidheachadh ar stèiseanan smàlaidh coimhearsnachd agus ar n-innealan-smàlaidh air feadh na h-Alba air atharrachadh gu mòr thar ùine.

Mar a mhìnich sinn ann an earrann 3.2, tha fios againn nach eil cuid de na stèiseanan againn anns na h-àiteachan as fheàrr airson dèiligeadh ris na cunnartan a tha mu choinneamh choimhearsnachdan aig an àm seo.

Tha roghainnean ann airson a bhith ag atharrachadh far a bheil na stèiseanan agus na h-innealan againn suidhichte. Dh'fhaodadh seo a bhith a' gabhail a-steach a bhith a' cur stèiseanan còmhla ann an àiteachan faisg air a chèile gus am biodh iad a' frithealadh nas fheàrr air ìrean cunnairt agus iarrtais.

Nan cuireamaid stèiseanan còmhla, no nan rachadh an gluasad, dh'fhaodamaid na goireasan againn a chleachdadh nas fheàrr ann an àiteachan eile san t-seirbheis agus tasgadh a dhèanamh ann an stèiseanan ùra far a bheil feum orra.

Le bhith ag atharrachadh far a bheil na toglaichean againn, is urrainn dhuinn na cosgaisean ruith againn a lùghdachadh, am càrn-obrach tasgaidh a lùghdachadh agus is dòcha teachd a-steach a dhèanamh tro na làraichean a thèid a reic.

Chuideachadh a bhith a' togail stèiseanan ùra cuideachd gus dèiligeadh ri ceistean a thaobh truailleadh agus goireasan sochair iomchaidh agus aig an aon àm, bheireadh e àite-obrach ùr-nodha do luchd-obrach.



## 5.3 Ag atharrachadh ciamar agus cuin a bhios sinn a' cleachdadh ar luchd-obrach

Tha an luchd-smàlaidh làn-ùine againn air an roinn thairis air còig buidhnean (freiceadan). Canar Siostam nan 5 Clàr-obrach Freiceadain ri seo (5 Watch Duty System - 5WDS) agus leigidh e leinn sgiobaidhean maireannach a libhrigeadh aig na stèiseanan làn-ùine againn 24 uair a thìde san latha, seachd latha san t-seachdain.

Bidh luchd-smàlaidh air ghairm a' freagairt air cùisean èiginn tro phèisdear ach gu tric bidh obraichean eile aca a bharrachd air na dleastanasan sin. Bidh iad cuideachd a' dèanamh trèanadh agus a' libhrigeadh obair sàbhailteachd agus casg sa choimhearsnachd.

Tha grunn stèiseanan smàlaidh air ghairm (saor-thoileach) againn cuideachd agus Aonadan Freagairt Coimhearsnachd (CRU) a bhios a' dèiligeadh ri seòrsaichean sònraichte de thachartasan tro shiostam pèidseir.

**Tha 23 stèisean againn an-dràsta a tha ag obair le siostam clàr-obrach measgaichte.**

Seo far a bheil barrachd air aon inneal-pumpaidh aig stèisean – mar as trice dà inneal-pumpaidh agus/no carbad sònraichte. Tha criutha de smàladairean làn-ùine aig fear de na h-innealan-pumpaidh againn air an 5WDS agus tha criutha de smàladairean air ghairm aig a'


phump eile, a bhios a' freagairt bhon dachaigh no bhon phrìomh àite-obrach aca.

Tha aon stèisean smàlaidh coimhearsnachd againn cuideachd a tha a' measgachadh modail criutha làn-ùine agus luchd-obrach latha.

Tha an siostam clàr-obrach latha agus roghainnean eile a' ciallachadh gu bheil criutha gan riarachadh do dh'innealan stèidhichte air dàta a sheallas cuin a bhios feum orra.

Tha measgachadh de shiostaman clàr-obrach cumanta ann an àiteachan eile san RA.

Ann an cuid de dh'àiteachan, dh'fhaodte gum biodh e iomchaidh siostaman nan clàran-obrach againn atharrachadh gus am biodh iad a rèir irean iarrtais is cunnairt. Leis a seo, ghabhadh luchd-obrach a chur gu raointean eile a tha ro-chudromach a thaobh trèanadh agus casg.





## 5.4 Ag atharrachadh mar a bhios sinn a' frithealadh air suidheachaidhean èiginn

**Tha modail nan criutha againn - is e sin an àireamh de smàladairean ann an innealan-smàlaidh a bhios a' frithealadh cùis èiginn - na raon eile sam b' urrainn dhuinn beachdachadh air atharrachadh a dhèanamh.**

Tha diofar mhodailean gan cleachdadh air feadh na RA agus dh'fhaodadh roghainnean a bhith ann gus na rèiteachaidhean criutha atharrachadh airson diofar innealan-smàlaidh ann an diofar stèiseanan.

Dh'fhaodamaid cuideachd ceumannan sònraichte a ghabhail gus cur ri faotainneachd ann an raointean eile. Mar eisimpleir, criuthaichean measgaichte, far am faodar smàladairean air ghairm a chur gu stèiseanan làn-ùine gu sealach gus dèanamh cinnteach gu bheil ìrean iomchaidh de chriutha air an cumail no gu bheil smàladairean làn-ùine air an cur gu stèiseanan air ghairm gus dèiligeadh ri gainnead sgioba no sgilean gearr-ùine.

## 5.5 Ag ath-sgrùdadh nan toglaichean corporra againn

**Tha na toglaichean corporra againn nan àiteachan obrach an dà chuid airson smàladairean agus luchd-obrach taic.**

Tha sinn mar-thà air Prìomh Oifis Sgìre Libhrigeadh Seirbheis an Iar ann an Hamaltan a dhùnadh às dèidh dhuinn co-dhùnadh nach robh an làrach a dhith tuilleadh.

Sàbhalaidd dùnadh na làraich seo timcheall air £500,000 ann an cosgaisean ruith bliadhna le comas barrachd airgead calpa a dhèanamh às dèidh reic an toglaich chorporra.

Tha comas ann barrachd shàbhalaiddhean a dhèanamh le bhith a' dùnadh làraichean a bharrachd ann am pàirtean eile den dùthaich.





## GEÀRR-CHUNNTAS AGUS NA H-ATH-CHEUMANNAN AGAINN

**Tha Alba air atharrachadh agus mar sin feumaidh an t-seirbheis smàlaidh is teasairginn aice atharrachadh cuideachd.**

Tha sinn air mion-sgrùdadh a dhèanamh air mar a tha an cunnart do choimhearsnachdan ag atharrachadh agus tha fios againn gum faodadh cuid de na stèiseanan agus na h-innealan againn a bhith suidhichte ann an àiteachan na b' fheàrr. Aig an aon àm, tha mòran de na togalaichean a tha againn a' fàs nas sine cuideachd agus chan eil iad iomchaidh airson an cuid obrach tuilleadh agus feumar gnìomh èiginneach a ghabhail gus an dèanamh nas sàbhailte agus nas freagarraiche.

Tron Phrògram Ath-sgrùdaidh Seirbheis Ro-innleachdail (SSRP) againn, tha sinn airson dèiligeadh ris na dùbhlain sin agus gus na goireasan againn a shaoradh no ath-riarachadh gus tasgadh ann an raointean eile leithid trèanadh, ùr-ghnàthachadh agus ro-chasg.

Gus seo a choileanadh, is dòcha gum feum sinn beachdachadh air atharrachaidhean air far a bheil na stèiseanan agus na h-innealan againn stèidhichte; agus ciamar agus cuin a bhios sinn a' cleachdadh ar goireasan.

Tha sinn airson do bheachdan a chluinntinn air na tha sibh ag iarraidh bhon t-seirbheis smàlaidh agaibh san latha an-diugh agus san àm ri teachd.

Tha sinn a' conaltradh le coimhearsnachdan air feadh na h-Alba gus faighinn a-mach dè a tha daoine a' smaoinneachadh mu na molaidhean airson atharrachaidhean a tha air am mìneachadh sa phàipear seo agus dè an t-àite a dh'fhaodadh a bhith aig an t-Seirbheis ann an coimhearsnachdan san àm ri teachd.

Gus do bheachdan a thoirt dhuinn, lion an suirbhidh air-loidhne againn: Faodaidh tu cuideachd an ceisteachan air [taobh-duilleig 21](#) a lìonadh agus a chur gu: [SFRS.PublicInvolvement@firescotland.gov.uk](mailto:SFRS.PublicInvolvement@firescotland.gov.uk)

A' CUMADH AR SEIRBHEIS SAN ÀM RI TEACHD: TOG DO GHUTH

19



'S urrainn dhut lethbhreac den cheisteachan a chur gu: FREEPOST, SFRS Communications, Scottish Fire and Rescue Service, Westburn Drive, Camas Long/ Cambuslang, G72 7NA

Ma tha am fiosrachadh seo a dhìth ort ann an cruth eile, leithid braille no cruth-claistinn, cuir post-d gu: [SFRS.PublicInvolvement@firescotland.gov.uk](mailto:SFRS.PublicInvolvement@firescotland.gov.uk)

Aon uair 's gu bheil sinn air an eacarsaich seo a chriochnachadh aig deireadh an Ògmhios 2024 nì sinn ath-sgrùdadh air an fhios air ais uile a fhuair sinn.

An uair sin, cleachdaidh sinn na beachdan a fhuair sin gus cuideachadh le bhith a' cruthachadh roghainnean airson atharrachadh mus dèan sinn làn eacarsaich co-chomhairleachaidh poblach nas fhaide air adhart am-bliadhna.







# CEISTEACHAN

## 1. Mu do dheidhinn

### Dè a th' annad?

(Cuiribh striochag ris an fhreagairt as iomchaidh)

- |  |  |
|--|--|
| <input type="checkbox"/> Neach-obrach SFRS - obrachail       | <input type="checkbox"/> Buidhnean poblach eile (m.e, NHS)                     |
| <input type="checkbox"/> Neach-obrach SFRS - taic            | <input type="checkbox"/> Buidheann san treas roinn / buidheann shaor-thoileach |
| <input type="checkbox"/> Bhall a' phobaill                   | <input type="checkbox"/> Buidheann coimhearsnachd                              |
| <input type="checkbox"/> Seirbheisean èiginn eile            | <input type="checkbox"/> Aonadh Ciùird / Buidhnean riochdachaidh               |
| <input type="checkbox"/> Roinn gnìomhachais / choimeirsealta | <input type="checkbox"/> Eile:   |
| <input type="checkbox"/> Ùghdarras ionadail                  |  |
| <input type="checkbox"/> Ball taghte                         |  |

 Cleachd am bogsa teacsa seo gus tuairisgeul eile a chur ann.

# A' CUMADH AR SEIRBHEIS SAN ÀM RI TEACHD: TOG DO GHUTH

## 2. Na daoine againn

Tha earrann 2 den sgrìobhainn "A' Cumadh ar Seirbheis san Àm ri Teachd: Tog do Ghuth" a' toirt cunntas air na diofar thachartasan taobh a-staigh SFRS agus na diofar dhleastanasan a th' againn.

**Gus dèanamh cinnteach gu bheil na h-ìrean as àirde de shàbhailteachd aig coimhearsnachdan agus aig smàladairean, feumaidh siostaman clàr-obrach luchd-smàlaidh a bhith aig SFRS leis na h-ìrean luchd-obrach ceart gus an urrainn dhaibh a dhol gu tachartasan aig na amannan den latha nuair a tha a' mhòr-chuid den chunnart ann. A bheil thu:**

- |   |  |
|---|--|
| <input type="checkbox"/> Ag aontachadh gu mòr   | <input type="checkbox"/> Ag eas-aontachadh         |
| <input type="checkbox"/> Ag aontachadh          | <input type="checkbox"/> Ag eas-aontachadh gu mòr  |
| <input type="checkbox"/> Gun aonta no eas-aonta | <input type="checkbox"/> B' fheàrr leam gun a ràdh |

 Cleachd am bogsa seo gus beachd sam bith eile a th' agad air seo a thoirt dhuinn.

### 3. Prìomhachasan seirbheis

Tha an sgrìobhainn “A’ Cumadh ar Seirbheis san Àm ti Teachd: A’ togail do Ghuth” (Earrann 3) a’ mìneachadh mar a dh’fheumas SFRS atharrachadh. Bhon liosta gu h-ìosal, tagh SUAS RI CEITHIR ceistean a tha thu den bheachd a bu chòir a bhith nam prìomhachasan do SFRS.

*CUIR IAD SEO ANN AN ÒRDUGH, le 1 mar an rud as cudromaiche.*

Òrdugh	Ceistean
	Bu chòir sgiobaidhean a bhith stèidhichte ann an sgìrean far a bheil barrachd cunnairt agus barrachd iarrtais ann.
	Bu chòir na goireasan ceart (i.e innealan-smàlaidh) a bhith aig SFRS san àite cheart – stèidhichte air mion-sgrùdadh air cunnairt.
	Bu chòir SFRS obrachadh còmhla ri coimhearsnachdan gus cur ri ath-leumachd agus gus ullachadh nas fheàrr airson tachartasan cudromach, a’ gabhail a-steach tuiltean agus teintean mòra air a’ bhlàr a-muigh.
	Bu chòir goireasan èididh urramach a bhith aig stèiseanan smàlaidh do na smàladairean.
	Daingneachadh gum bi an teaghlach agam a cheart cho sàbhailte mas e is gun tèid atharrachaidhean a dhèanamh.
	Bu chòir làthaireachd faicsinneach a bhith aig SFRS faisg air far a bheil mi a’ fuireach.
	Bu chòir do SFRS obair casg a dhèanamh gus an fheadhainn as so-leònte ann an coimhearsnachdan a dhìon
	Feumaidh SFRS an luach as fheàrr a dhèanamh de dh’airgead poblach.
	Bu chòir do SFRS oidhirp a dhèanamh gus an lorg carboin aca a lùghdachadh far an gabh sin dèanamh.



## 4. A' tasgadh ann an atharrachadh

Tha earrann 4 den sgrìobhainn "A' Cumadh ar Seirbheis san Àm ri Teachd: Tog do Ghuth" a' mìneachadh mar a dh'fheumas SFRS feum nas fheàrr a dhèanamh de na goireasan againn.

**Is e aon dòigh air seo a dhèanamh a bhith ag obair ann an com-pàirteachas le buidhnean poblach eile (m.e, Poileas Alba agus feadhainn eile) gus coimhead air mar as urrainn dhuinn luach nas fheàrr a thoirt dhan phoball. A bheil thu:**

- Ag aontachadh gu mòr
- Ag aontachadh
- Gun aonta no eas-aonta
- Ag eas-aontachadh
- Ag eas-aontachadh gu mòr
- B' fheàrr leam gun a ràdh



*Cleachd am bogsa seo gus beachd sam bith eile a th' agad air seo a thoirt dhuinn.*

## 5. Na h-innealan againn Smàlaidh againn

Tha earrann 5.2 den sgrìobhainn "A' Cumadh ar Seirbheis san Àm ri Teachd: Tog do Ghuth" (Ag atharrachadh far a bheil na stèiseanan agus na smàladairean againn stèidhichte) a' mìneachadh carson a dh'fheumas sinn ath-sgrùdadh a dhèanamh air far a bheil na h-innealan againn suidhichte. Ma tha coimhearsnachdan gu bhith sàbhailte, feumaidh na goireasan ceart a bhith san àite cheart.

**Bu chòir innealan smàlaidh aig SFRS a bhith stèidhichte ann an coimhearsnachdan ionadail a rèir irean cunnairt. A bheil thu:**

- Ag aontachadh gu mòr
- Ag aontachadh
- Gun aonta no eas-aonta
- Ag eas-aontachadh
- Ag eas-aontachadh gu mòr
- B' fheàrr leam gun a ràdh



*Cleachd am bogsa seo gus beachd sam bith eile a th' agad air seo a thoirt dhuinn.*

## 6. Far a bheil sinn stèidhichte

Tha Earrann 5.2 den sgrìobhainn “A’ Cumadh ar Seirbheis san Àm ri Teachd: Tog do Ghuth” (Ag atharrachadh Far a bheil na Stèiseanan agus na h-Innealan-smàlaidh againn Stèidhichte) a’ mìneachadh carson a dh’fheumas sinn ath-sgrùdadh a dhèanamh air far a bheil na stèiseanan smàlaidh againn suidhichte. Gus seo a dhèanamh, feumaidh sinn beachdachadh air mar a tha na coimhearsnachdan a bhios sinn a’ frithealadh air atharrachadh agus fhathast ag atharrachadh.

### 6a) Bu chòir innealan smàlaidh aig SFRS a bhith stèidhichte ann an coimhearsnachdan ionadail a rèir ìrean cunnairt. A bheil thu:

- Ag aontachadh gu mòr
- Ag aontachadh
- Gun aonta no eas-aonta
- Ag eas-aontachadh
- Ag eas-aontachadh gu mòr
- B’ fheàrr leam gun a ràdh



*Cleachd am bogsa seo gus beachd sam bith eile a th’ agad air seo a thoirt dhuinn.*

### 6b) Bu chòir do SFRS beachdachadh air togalaichean a choinn le com-pàirtichean (m.e., Seirbheis Ambaileans na h-Alba, Poileas Alba agus ùghdarrasan ionadail) gus seirbheis nas fheàrr a thoirt do ar coimhearsnachdan. A bheil thu:

- Ag aontachadh gu mòr
- Ag aontachadh
- Gun aonta no eas-aonta
- Ag eas-aontachadh
- Ag eas-aontachadh gu mòr
- B’ fheàrr leam gun a ràdh



*Cleachd am bogsa seo gus beachd sam bith eile a th’ agad air seo a thoirt dhuinn.*



## 7. Ar ròl ann an coimhearsnachdan ionadail

Is urrainn dhan obair Casg is Dìon cuideachadh le bhith a' lùghdachadh cunnart theintean agus suidheachaidhean eile a dh'fhaodadh a bhith na chunnart beatha. Dh'fhaodadh e cuideachd ar cuideachadh gus planadh nas fheàrr a dhèanamh airson tachartasan leithid tuiltean agus teintean mòra air a' bhlàr a-muigh.

**7a) Bu chòir do SFRS obrachadh le com-pàirtichean coimhearsnachd (m.e., ùghdarrasan ionadail, agus eile) gus na cunnartan sin a lùghdachadh tuilleadh. A bheil thu:**

- Ag aontachadh gu mòr
- Ag aontachadh
- Gun aonta no eas-aonta
- Ag eas-aontachadh
- Ag eas-aontachadh gu mòr
- B' fheàrr leam gun a ràdh

 Cleachd am bogsa seo gus beachd sam bith eile a th' agad air seo a thoirt dhuinn.

**7b) Bu chòir do SFRS cur ri Cothromachadh-carboin le bhith, mar eisimpleir, a' lùghdachadh nan eimiseanan carboin againn. A bheil thu:**

- Ag aontachadh gu mòr
- Ag aontachadh
- Gun aonta no eas-aonta
- Ag eas-aontachadh
- Ag eas-aontachadh gu mòr
- B' fheàrr leam gun a ràdh

 Cleachd am bogsa seo gus beachd sam bith eile a th' agad air seo a thoirt dhuinn.

## 8. Conaltradh le Coimhearsnachdan

Dh'fhaodte gum bi SFRS airson co-chomhairleachadh poblach a chumail san àm ri teachd air cuid de na cuspairean a tha air am mìneachadh gu h-ìosal. Innis dhuinn dè an ìre is gu bheil tha thu a' smaoineachadh a bu chòir co-chomhairle a chumail ris a' phoball air gach cùis.

Moladh airson Atharrachadh	Bu chòir làn cho-chomhairle a chumail leis a' phoball	Chan fheumar co-chomhairle a dhèanamh leis a' phoball, ach bu chòir fios a chumail riutha	Chan fheumar co-chomhairle a dhèanamh leis a' phoball	Chan eil mi cinnteach
Atharraichean ann an dreuchd an smàladair (m.e., a bhith a' gabhail a-steach a bhith na neach-freagairt ciad-chobhair èiginneach)				
Ag ath-nuadhachadh / ùrachadh stèisean(ean) smàlaidh				
A' dùnadh stèisean smàlaidh				
A' gluasad stèisean smàlaidh gu àite ùr				
Inneal(ean)-smàlaidh a thoirt air falbh no a ghluasad gu maireannach				
Atharraichean air siostaman clàr-obrach smàladairean				
A' co-roinn àiteachan le com-pàirtichean eile (m.e, Poileas, Carbadan-eiridinn, ùghdarrasan ionadail.)				
A' togail stèisean smàlaidh ùr				



## 9. Beachd sam bith eile



*Thoir dhuinn beachdan sam bith eile air am bu chòir SFRS aire a thoirt nuair a thathar a' beachdachadh air an t-seirbheis san àm ri teachd.*

## 10. Sgrùdadh co-ionannachd

### Carson a tha sinn ag iarraidh fios co-ionannachd?

Bidh sinn a' cruinneachadh fiosrachadh co-ionannachd gus ar cuideachadh le bhith a' dealbhadh agus a' libhrigeadh sheirbheisean mar phàirt de ar Dleastanasan Co-ionannachd (Achd na Co-ionannachd 2010). Bidh am fiosrachadh a bheir thu seachad:

- gar cuideachadh gus ar coileanadh a mheasadh agus a leasachadh;
- gar cuideachadh gus feumalachdan ar luchd-obrach agus coimhearsnachdan na h-Alba a chomharrachadh agus aghaidh a chur orra
- a' dèanamh cinnteach gu bheil sinn ag eadar-obrachadh ann an dòigh chothromach le daoine le feartan dìonta mar a tha mìnichte ann an Achd na Co-ionannachd (2010).

### Am feumar a h-uile ceist a fhreagairt?

Chan fheumar. Tha am fiosrachadh a bheir thu seachad saor-thoileach agus gun urra, ach le bhith a' freagairt na h-uimhir 's a ghabhas de cheistean, bheir e tuigse nas fheàrr dhuinn air cò leis a tha sinn a' conaltradh agus dè a dh'fheumas sinn dèanamh gus cumail oirnn a bhith cho in-ghabhalach 's a ghabhas.

### Sanas Dìon Dàta is Prìobhaideachd

Tha e na rùn aig Seirbheis Smàlaidh is Teasairginn na h-Alba (SFRS) do chuid fiosrachaidh pearsanta a dhìon. Tha làimhseachadh dàta pearsanta air a chòmhdach le Riaghailt Dìon Dàta Coitcheann 2018 agus Achd Dìon Dàta 2018.

Gheibhear barrachd fiosrachaidh air mar a làimhsicheas SFRS an dàta seo aig

[www.firescotland.gov.uk/publications/document/?id=7586](http://www.firescotland.gov.uk/publications/document/?id=7586)

### D' aois

- Fo 16
- 16-25
- 26-40
- 41-55
- 56-70
- Nas sine na 70
- B' fheàrr leam gun a ràdh

### Do ghnè

- Fireann
- Boireann
- B' fheàrr leam gun a ràdh

### A bheil thu tar-ghnèitheach no a bheil eachdraidh thar-ghnèitheach agad?


(mar eisimpleir, neo-bhinearaidh, fear tar-ghnèitheach, boireannach tar-ghnèitheach)

- Tha
- Chan eil
- B' fheàrr leam gun a ràdh



### Do Thaobhadh Feise (Sexual Orientation)

- Heterosexual / Dìreach
- Gàidh / Leasbach
- Dà-sheòrsach
- B' fheàrr leam gun a ràdh

 Nam b' fheàrr leat facal eile a chleachdadh, sgrìobh an seo e:

### Ciorram – An canadh tu gu bheil ciorram ort?

- Chanadh
- Cha chanadh
- B' fheàrr leam gun a ràdh

### Cùram - a bheil thu no an robh thu ann an cùram?

- Tha
- Chan eil
- B' fheàrr leam gun a ràdh


### Cinneadh – dè an cinneadh a th' agad?

- Albannach
- Breatannach eile
- Èireannach
- Siopsach / Neach-siubhail
- Pòlainneach
- Ròma
- Cinneadh geal sam bith eile
- Pagastànach / Pagastànach Albannach / Pagastànach Breatannach
- Inneanach / Inneanach Albannach / Inneanach Breatannach
- Sìneach/ Sìneach Albannach / Sìneach Breatannach
- Dubh no Caribbeanach / Dubh no Caribbeanach Albannach / Dubh no Caribbeanach Breatannach
- Arabach / Arabach Albannach / Arabach Breatannach
- Afraganach / Afraganach Albannach / Afraganach Breatannach

### Feallsanachd / Creideamh

- Eaglais na h-Alba
- Caitligeach
- Crìosdaidh eile
- Iùdhach
- Muslamach
- Sikh
- Hindeach
- Budach
- Eile
- Gun chreideamh sam bith
- B' fheàrr leam gun a ràdh

### Còd-puist

 Thoir dhuinn dìreach a' chiad phàirt den chòd-puist agad sa bhogsa gu h-ìosal (m.e, KY12):



SCOTTISH

FIRE AND RESCUE SERVICE

Working together for a safer Scotland

[firescotland.gov.uk](https://firescotland.gov.uk)

A' CUMADH AR SEIRBHEIS SAN ÀM RI TEACHD: TOG DO GHUTH  
– Pasgan Fiosrachaidh

Tionndadh 1.0 An Giblean 2024